



Nan'ngarijaujuq Craig Simailak  
Minista munaqhijuq hapkuninga Qulliq Alrujaqtuqtunik Ikumadjutit

Hikutirvia 7, 2022

### **Ministangit Atuqtakhangit**

Halu Minisitaujuq Simailak,

Hivuliqtiusplunga Nunavunmi, Titiraqtunga ilitugipkaijumaplunga atuqtakharnik **Minista Munariyalik Qulliq Alruyaqtuqtunik Ikumadjutiit** (QEC).

Angirutiqagiikhimajugut talvuuna QECKut Katimajiuut Katimajiit, kiugiaqaqtun tamaat aulahimajunik hulilukaarutit havakpakhimajaingit Kuapuliisitkutni, ilaujurlu:

- Tunihimaarniq tautuktuaarutingnik Kuapuraisingit malikhautikharnik qajangnairutingnik, havagiaqaqtunik, havagiaqaqtuniku alrujaqtuutikharnik upalungairutikharnik hivutunirmik akiligliaqaqtunik alrujaqtuutikharnik Nunavunmiunun; unalu
- Havakhimaarlutik allatqiingujut piumaluuaqtunik hanaqidjutikhangit hulilukaarutikharniklu naunaijajaangat ikayuutikharniklu iniqtirutikharnik kavamangit atuqtakharnik Katujiluta.

### **HIVULLIUTIJUKHAQ QANURILIURUTIKHAT**

Katujiluta ilauhimajuq hanaqidjutikhangitni hulilukaarutikharniklu tallimaniitunik piumaluuaqtajuni:

- Inirninguqtirniq ihumagittiaqtauluni Nunavunmi;
- Angiklihaqjuummirlugu iglukhaqarnikkut auladjutaa;
- Pipkainirnianik aanniaqtailinirnun mamiharnirnullu;
- Pilluaffaarumanirnik iliharnirnun; imaaluu
- Angiklihaqtirnikkut nunallaaptikni piangajautikhnik.

Havakhimaliktugut ilaujukharnik upautikhnik piumaluagijaptingnik, taima pilimaitaangat havagviit kituliqaak aviktuqhimanirmi kuapuraisingit hivuliqtimalaitun kiudjutikharnik tamainik hanaqidjutikharnik piumaluuaqtaptingni havaanganik.

Angirutigivakhimajugut kiudjutiqaqtuhi hivuliqtijaangat piumaluuaqtunik hanaqidjutikhhat hulilukaarutikhangitlu ilitagijauhimajut ataani. Una ilaujuq naunaijainiq

nalaumadjutikharnik tutqikhaidjutikharniklu hanaqidjutikhat avatingni Nunavut Kavamangit havaqatigijaptingnilu, ihuarutiqaqhimaguni.

Hiviliujuq piumaluaqtajujuq, angirutiqagiikhimajutin havagianganik qilaminuaq hanaqidjutikharnik ukuninga:

- Aulahimaarniq QECKungit Inuit Havakhanun Pivallialiujnukkut Iliharniq Aulatitinnikkutlu Inuit Havakhimaarlutik Ilitagidjutikharnik Piniaqtun Ilihairutikharnik (2022-23 aulahimaarniaqturlu);
- Aulatitjukhaq atuqtauluaqtakhangit Pittiarnikkut Havagvingmi ajuiqhautikharnik malikhautikharniklu ajuiqhautikharnik aulahimajut talvuuna (2022-23);
- Havaglutiklu Ikajuktikhailiuqtunun Munagidjutikharnik Piumaluaqtunik Pigiaqaqtunik Atugakharnik ikajugianganik Iningnikhat/angajukhiit allatlu ajungnautiqaqtunik inuuhimini katimajijiurviqaqtuni (2022-23);
- Aulatitilutik tamna Humiliqaak Nunami Naniniitun Atuqhimaqaqtangit Pivalliadjudjutikharnik ikiklijumiqtijaangat aulatitijaangatlu tamaihimajunik Ukiuqtaqtumi avatiliqinirmi (2022-2026); unalu
- Napaktiqlutiklu nuutaanik pauwaqarvikharnik atuguminaqtunik igluliurnikkut ilituqhajaangat aallanguqtihimaaqtunik Ukuiktaqtumi hilaup Ilitquhia Kuglukturmi, Iqaluktuutiami, Iglulikmi, Uqhuqtuurmilu (2022-2027).

Ikajugianganik malikhautikharnik hivunikharnik hanaqidjutingnik kavamaptingni, angirutiqagiikhimaliqtutin imailiugiangat:

- Qaujihailuhi aulatitiluhilu PVnik BESSniklu qaritaujaliqidjutikharnik ilautitijaangat atuguminaqtunik aulainaqtunik alrujaqtuutikharnik auladjudtingnik ikumadjutikharnik tutquumavikharnik ihuaqtumik uquniqaqtumi ingniqutikharnik (2022-2025).

## **ILAUJUT KIURUTIKHANGIT**

Ilaujukharnik talvani atuqtakharnik piumaluaqtainik titiraqhimagut qaangani, Kiugiaqaqtutinlu taimaitkuvit:

- Katimajiuut Ministangit Katimajii talvuuna Amigairjumirnikkut Iglukhangit Igluqpangitlu

## **HAVAQATIGIIRNIKKUT**


Katujjiluta atiinaungituq uvani atuqtakhaptingniit. Malikhautikhaq hivunikhaliurutiqaqhimagjuq naunairutiqaqtuq atuguminaqtumik auladjudjutikharnik qanuq havaqatigijirniaqtugut atautimiitluta iniqtigijaangat uqagiikhimajaptingnun Nunavunmun. Ilitugipkaktilutin piumaluaqtangnik, ajungnairutiqaqhimagunga taimailiurniaqtugut:

- **Havangniaqtavut Ministangit Katimajijiujutlu aulatitijaangat iliqatigiiktakharnik aturniaqtaptingni;**
- **Hviutunirmun akhuqhaijdjutikharnik havaqatigiiktukharnik Nunavut Tunngavikkut Timinga Avikturnirmiitun Inuit Katimajiingit nalautitijaangat hanaqidjutikhaptингnik hivunirmun naunaitumun auladjutikharnun;**
- **Napaqtigijaangat katiqhimanikkut ikajuutikharnik amigairjumiqhimajut ihuarutikharnik Inuit havaktikharnik talvani kavamanmi havakhimaaqtunik ikajuktunun; unalu**
- **Tautuktithimaarlutiklu Inuit inuuqatigiingnikkut akhurutigijangit unalu Inuit Qaujimajatuqangit hanaqidjutikharnik iniqtigijaangat naunaituq hivutunikharnik allanguqtirutikharnik.**

Talvuuna QECKut Katimajijuut Katimajiit, Tuglia Atangujaq kiudjutiqaqhimaqjurlu ikajukhimaarnikkut ilingnun tikiutijaangat havaktakharnik iniqtitijaangatlu munagidjutikharnik talvani itunik havaktamingnik naunaitkutingni. Munagidjutiqaqtutin tunijaangat naunaitunik havaktauhimajukharnik talvunga Ikhivautalik Katimajijuut Katimajiit, ilaujutlu atuqtakharnik havaqatigiirnikkut iliqatigiirnikkutlu talvani hivutunirmilu Nunavut Kavamanmi.

Quviahuktunga niugiuktungalu havaqatigijaaffingni talvuuna pivalliadjutikharnik naunairutiqaqhimaqjut havaqatigiirnikkut havakhimaarnirlu tutqikhaidjutikharnik havaqatigiirnikkut hanaqidjutikharnik ihuarutiniaqtun ubluq tamaat inuuhirnun Nunavunmiunun tungavikharniklu ajungnairutikharnik hivunikhaptингnun.

Pittiarnikkut,



P.J. Akeeagok  
Hivuliqt Nunavunmun

cc. Jimi Onalik, Tugliuyuq Ministamun Tikkuaqtauhimajununlu Katimajiit Titiraqtii,  
Kavamaliqiyitkunni